

續金華叢書



續金華叢書



魯齋王文憲公文集卷之十八

續金華叢書

鄱陽三臺劉傑編輯

廬陵銅溪劉同校正

哀挽詞章

挽曹叔獻

野草何青青野花亦著著王圍翳烟樹東風開泉局靈辰倏祥練
祖載何因循半生安陋巷簞瓢澹無營天命有窮達書生多苦辛
北邙同一路玄廬等枯榮我本里中子升堂託微嫻每懷栢渡語
惟土有常心几杖雖疏闊踉蹌敬愛深故家喬木瘁不復典刑存
流水桃花窅飄零薤露音幽宮一以閱清淚洒芳春

挽汪帥參

一世欽齋老聲名四十年冰融南省日春滿洞庭天笑語當時密
交情晚節堅秀英今已矣新閣獨巋然

右一

世路艱危極人情政可歎未聞親子在而有外邪干軒冕多爲累
簞瓢未必寒此皆身外事且闕一丘安

右二

挽潛齋王樞相

忠簡流餘慶文忠印此心詞章傳世早事業得君深不盡風雲會
寧知歲月侵九重驚殄瘁讒者舌方瘖

右一

治命深衣歛親題石像鑄精神傳巨扁風月掩遺編流落人間境
陶鎔物外天建安名教在它日配先賢

右二

總角思先友同宗麗澤傳典刑諸老盡文獻舊家全交道從公晚
知音去我先淵源誰與遡愁絕伯牙絃

右三

精舍北之北幽宮南復南兩山生死寄千古姓名諳地勢蟠空壯
溪聲戰晚酣青烏發天秘萬壑拱遺龕

右四

代挽王潛齋

自立西山雪聲名四十年清思奎畫重忠簡物情憐廊廟風雲斷
園林歲月遷潛齋元不死有子續遺編

右一

先世論交早名公不忍忘共期霖雨施忽掩斗樞光北墅風煙慘
南山草木香片雲開白日卹典耀龍恍

右二

挽丁知縣

蚤識北平貴從遊五十年遲遲登虎榜急急到鳬仙振起非無地

榮枯自有天老成彫落盡一壑鎖蒼烟

挽施子華

哭子天倫變賢哉更可傷毅翁悲祚斷學者悼師良缺月窺元室
淒風銷奧岡身雖隨物幻名筆起潛光

挽郡博士待班劉公歌

東風變九野萬物負生意素蹕何樂樂清血洒幽隧猗歟靜壽翁
歸全可無愧人生託溟滓消息同一氣過化來者續自昔歎川逝
溫溫夙好修甄陶瑚璉器凝乎觚自渡澹乎靚且邃詩書以爲糧
忠信以爲饍人皆崇榮途公獨徐攬轡三轉坐臯比五鶚爭自致
上培德誼種下開文字瑞一子通金閨一子需大對衣冠繪慶圖
豈料造物忌學校失師模鄉閭思善類梅花已流水草木誰臭味
惟有篤厚心可嚶期嗣世

桐花散翁挽詩

漱水之西巍然一峰是曰道堅翔舞而東林巒蔚蔚丘壑渾融雍
雍聚落惟金之宗五世積累鍾此散翁散翁頎頎生有異質學敏
而博心廣而實迺孝迺睦迺大其識教子一經維寬而栗教人盡
已維久無斁選舉法壞取士以文決於一夫升沈遂分良才美德
所甘隱淪負我求我負人非人兩語垂訓風俗反淳我之識翁因
翁二子典刑是親翼翼亶亶曾不幾見翁遽不起我來哭翁亦已
晚矣匍匐之義真可愧死我既哭翁亦相佳城千嶂矗矗萬壑沄
沄一丘永闕昭明上征萬壑沄沄千嶂矗矗子子孫孫載昌載毓

哭錢學老

魯國黔婁死升堂弔者誰不邪能至此千載有妻知凜凜默成德
清風百世師舅甥貧到底終老外家祠

挽汪約叟

幸有靈光在
天平作麼亡
生來最真實
病裏亦康強
和氣留丹鼎

清塵凝筆床溪山呈秀處風露悄淒涼

右一

憶昔先君子金蘭氣味投中間有生死一別幾春秋曉漏傳幽夢
英魂覓舊游城東烟月冷應是訪新丘

右二

挽鄧夫人

霜冷留賓髮心融篆貝經疏金重錦誥琢玉璨芝庭方祿參軍養
俄丹壽母銘可憐萱草露也解位儀形

挽司直兄

老厭鴛行武騎鯨不肯留空存丹棘讞未告紫宸猷黃老辜初志
青山颺晚謀夕陽無限好心事竟悠悠

右一

典重班諸老聲名始壁流開尊口佳士幙被闖前脩月冷金閨籍

塵生玉杖鳩梅巖傷目處鴈影正賓秋

右二

晚始親荆玉劬氣誼稠泰壇霜月下暑枕夜江頭一困關公念
連書釋我憂平生知己淚寂寞洒新秋

右三

挽朱侍郎

國論多同異身名有險夷一從離紫橐再不上丹墀慷慨風雲斷
飄零歲月移却因閒得早冷眼看人癡

右一

渺渺康湖水我戡蜀野山是翁元不死蛻骨此中間草木券臺綠
莓苔翁仲斑白雲傷北望清淚更潛潛

右二

宗夫人挽章

魯齋集卷之十六
勲烈高忠簡夫人衍慶源春風南澗藻秋雨北堂萱鸞鑑傷孤影
芝庭茂兩孫清霜凝素仗璀璨滿西原

挽何無適

二五之英清通瑩徹有鍾于躬非賢則哲烏乎無適自幼卓絕奴
僕選騷銓衡莊列鞭霆走電不可追籥一操而存肅整轡轍著書
未就不幸短折旣賦以奇未易泯滅世外精神筆頭風月有闕斯
立有妥斯魄旣妥爾魄旣鑣爾阡是曰反終是曰歸全人生斯世
豈必百年欲動情勝萬事出焉孰好孰惡孰嫗孰妍孰過而改孰
善而遷一征物表浩浩其天風定水止月印萬川陰陽不獨動靜
不偏旣靜復動太極炯然

馬華父母葉氏挽章

力疾呼兒語民方弄潢池兒職不可緩母疾尙可爲綉衣纔出境
肅斧旋芟夷百姓得奠枕歸來拜慈帷母訓不敢墜母喜開雙眉

陰功覃雨露慶報當期頤孟夏草木長庭萱何遽萎平生事儉約
猶有嬪時衣熏爐經卷靜不復朝莫披西風秋又晚萸菊思年時
瞿瞿臨祖奠清血應漣洏明朝鶴巖道舊冢連新悲

挽頤軒張朝奉

藹然一氣備天和不盡人間歲月多鄉里同聲稱佛子兒孫相繼
奮儒科蠲租捐廩今無有刳豕然燈可奈何德在人心真不朽幾
多麟碣汙山河

右一

挺挺長松施女蘿平生能得幾相過總帷遠辱雙綯臨淚眼猶瞻
兩鬢皤曾未經年成契闊至今一慟竟蹉跎吉人已矣難重見山
口悽悽薤露歌

右二

挽張佛子

嘉慶圖傳世所稀夫何佛子遽西歸平生施子心無爲時事艱難
眾有依德誼百年猶積累詩書五世漸光輝兒童父老傾山谷洒
淚追隨丹旆飛

右一

陟岵雖頻莫慰心見公猶幸母如存東山何事遽陳迹西路如今
又斷魂柳絮忽臨新冢道林花空滿舊時園一衿和氣歸何處化
作功名遺子孫

右二

挽徐郎中

郎潛不復坦衿期留得清名舉世知老矣空還新虎節歸來只是
舊鴻禧危言寧免班行忌已死猶聞海內推病裏僅能成大廈當
時燕雀不勝悲

挽趙龍泉

滿擬田廬樂莫年誰知鳬舄遽飛仙
鶚書連走文場捷麟趾多推
正脈賢晚錫藍衫更鵬弁
徑分蒲壁鎮龍泉春風滿縣開桃李回
首松楸鎖翠烟

挽思泉居士

平生不蓄買山錢晚得佳城豈偶然
官職叢中韜素志風波險處
謁名賢只將和氣占心地尙想清尊養性天
宗卹典刑難倒指忍
看庭玉淚濺濺

右一

猶記年時訪故山細聆舊話侍清閒
汲泉倚杖臨荒磬尋塔呼僮
斲野菅回首恍如前日事傷心已隔夜
泉關手攜菖歎歎清些淚
染含風細葛班

右二

挽朱侍郎

蚤亞魁躔入諫坡却因忠讜蹈風波龍墀一去江湖遠鶴骨歸來
歲月多紫橐將隨時事轉丹旌無奈夜舟何萬松蒼翠皆親種月
露淒淒泣隴阿

挽朱宜人

蜀峰飛來不記年業義萃嶺青綿聯康湖演濛吞萬壑風雷日夜
噴飛泉水西蔥鬱氣方壯水南重得黃牛眠深山大澤絕異處造
物冥錮難輕捐龍翔鳳舞萃英淑豈非天授夫人賢綵雲落月相
珪璧山花庭草搖香鈿虎羊甲士儼成列萬松磨颯生蒼烟夫君
筆力扛九鼎親著幽德熏蘭荃應有山靈乘赤豹千年呵護青瑤
鐫

挽何南坡

刻苦工夫真實心一言體用已全陳聖賢斷續三千載伯仲漸摩
八十春保護斯文勤且讓作成吾鄙敬而親我來不復瞻耆德流

水蒼烟迹已塵

右一

少公稟氣後三年易簣翻居三日先學數弟兄猶聞有壽隨父母
獨誰全悲哉易感精神往造化難憑禍福遷應恨南山人遠去從
今獨臥北山阡

右二

籬落縱橫一逕分平生杖屨幾登臨某山某水機緘露彼室彼廬
精分深檢校舊規心欲折摩挲新誌淚難禁素車白馬人歸後鶴
唳猿啼總些音

右三

林省吾挽辭

羌若人兮大帶而深衣張拱徐趨兮儼乎其若思動有則兮神定
澹無欲兮心夷便儼嶽巖之紛吾前兮醢雞起滅忠信傳習之省

吾躬兮聖賢我師伊春陽之冉冉兮生意方懋何雪霜之不仁兮
荃蘭遽萎攀三后之純英兮時不得而榮瘁抱太極而永歸兮哀
與我之其誰雲沈沈兮淒蠟風稜稜兮斷斷長田長田兮寂寂永
夜暢旨獨立兮千古名垂

滕勿齋內楊氏挽詞

東風捲地兮摧千紅松柏青蔥兮啟幽宮龍輅廣柳兮辭簾櫳埋
香掩玉兮甘長終芳草萋萋兮春又空春君寂寞兮誰與同

右一

吳門山少兮烟水寬一鋪千金兮尙云慳夫人勤儉兮同艱難子
荊苟美兮營玄關平生首丘兮志應寒雙溪渺渺兮何時還

右二

憶昔登堂兮拜淑儀小子卅角兮勤將攜夫君念我兮力不遺歲
月滔邁兮鬢成絲西望紫萼兮清魂飛槭哀千里兮空漣洏

右三

陳卿內邵氏挽詞

羣山峨峨兮屏下環鍾爲人英兮司賢關風雅解頤兮簪佩珊珊
有女穎悟兮拱聽帷間識性情之正兮婦德閑雞鳴警戒兮夜漫
漫水清玉潤兮卿月相傳夫君騎鯨兮今幾年綱紀繩繩兮閨門
肅然樂山堂兮花木正妍蕙槁蘭萎兮棄釵鈿淒淒東塢兮藏風
烟畫翬流雲兮去翩翩飛絮寂寞兮隨珠駟忍看雙壁兮沈黃泉
龜趺螭首兮何時鐫山靈呵護兮祚綿綿

鄭寺正挽辭

北山峻嶒兮配井絡之勲名子孫繩繩兮聿彰厥聲一麾不顧兮
番禺君甘領祠官兮挂長纓操存益固兮涵養益深臨行一念兮
允清明

右一